



Uunga: Aalisarnermut Piniarnermullu Naalackersuisoqarfimmut

6. okt. 2023

Kalaallit Nunaata Kitaani niisanik pisassiissuteqartalernissaq pil-lugu tusarniaaneq

Pinngortitaleriffik (GN) tusarniaanermut qulaani taaneqartumut 31/8-2023-minngaanneersumut ima oqaaseqaateqassaaq.

Kalaallit Nunaata Kitaani niisat pillugit NAMMCOp ilisimatuussutsikkut siunnersuineri 2019-iminngaanneersoq kisitsisit pingasut tunngavigalugit suliaqarpoq:

1: "Total removals" tassalu ilanngaatigineqarsimasut, taakkunani annaasat ilanngullugit kisin-neqartarput. Niisanniarnermi annaasat 9,3 %-inut pallinneqarsimapput.

2: "Landed catches" tassalu pisat tikiussat, taakkunani tikiussat nalunaarutigineqarsimanissaat naatsorsuutigineqartarpoq.

3: Pisat nalunaarutigineqanngitsoortartut. Tikiussat 30 %-ii nalunaarutigineqanngitsoortarnerat NAMMCOp ilimagaa.

NAMMCOp 2019-imi siunnersuinerani ukiumut pisat 2900-nut pallinneqarsimapput ("total re-moval"), taamaalilluni tikiunneqartut ("landed catch") 2629-upput (9,3 % annaasat). Pisat 30 %-ii nalunaarutigineqanngitsoortarsimasutut naatsorsorneqartarmata pisat 1869-it pisarineqarsima-sutut nalunaarutigineqarnissaat ilimagineqarpoq.

Aalisarnermut Piniarnermullu Naalackersuisoqarfiup saqqummiussaani pisassiissutissat uki-umut 2024-mut 2800-nut amerlassusilerneqarsimapput, siunnersuinerumut sanilliukkaanni "total removal" inulaarlugu. Nalunaarutigineqanngitsoortartut 30%-iutillugit pisarineqartut katillugit (annaasat nalunaarutigineqanngitsoorsimasullu ilanngullugit) 4340-t missaanniissinnaapput. Taamaattumik pisassiissutissatut siunnersuutigineqartut siunnersuutigineqartunut naleqqiullugit 50 %-it angullugit sinnerneqarnissaat naatsorsuutigisariaqarparput. Taamaattumik pisassiissutis-sat amerlaqataannik ikilineqartariaqarput.

Pisat qanoq amerlatigivittarnerut ilisimaneqanngimmat pisanik nalunaarsuisarnerup sukumiine-rusunngortinneqarnissaa pillugu Naalackersuisoqarfik sulissuteqartariaqartoq kiisalu taamatut pitsanngorsaasoqassappat uppernarsaaserneqartassasut inassutigineqarpoq, taamaaliornikkut si-unissami siunnersuinerup pisassiissutinillu aalajangersaasarnerup pitsanngorsarneqarnerisigut piniakkat piujuaannartinneqarnissaat eqqarsaatigalugit eqqornerusumik pisassiisoqartalernissaa anguneqarsinnaalissammat.

Pinngortitaleriffik tusarniaanermut annertunerusumik ilassutissaqanngilaq.

Inussiarnermik inuulluaqqusilluta

Lars Witting, Mads Peter Heide-Jørgensen aamma Fernando Ugarte